



**Nuup Sisimiut Ilulissat Qaqortullu avataatigut illoqarfiit mikinerit aningaaasarsiornikkut
ineriartornissaat pillugu, kommunit suleqatigalugit, pilersaarusiortoqarnissaa
suliareqqullugu Naalakkersuisut peqquneqarnissaannik Inatsisartut aalajangiiffigisassaattut
siunnersuut. Pilersaarusaq kingusinnerpaamik UPA 2020-mi Inatsisartunut
saqqummiunneqassaaq.**

(Inatsisartunut ilaasortaq Anders Olsen, Siumut)

Siullermeernera

Partii Naleqqamit siunnersuuteqartoq Anders Olsen, Siumut, qutsaviginiarparput siunnersummut tunngaviusumik tapersersukkatsinnik.

Ulluni makkunani illoqarfiit anginerit nunatta ineriartorneranut pingaarnertut inissinneqarnerat ernumanartoqartipparput.

Minnerunngitsumik maluginiarparput angallanneq kipiluttunartutut Partii Naleqqamit naliligarput suli iliuuseqarfinginiarneqarpasinngimmat inoqarfinni minnerusuni.

Tunngaviusumik aningaaasarsiornikkut ineriartortitsisinnaanermut Namminersorlutik Oqartussat peqataaffigisinnaasaat arlaqarput.

Erngup sarfallu assigiimmik nunatsinni akeqalernera, sumiiffiit ikitsut minillugit kisiannili aaqqiigivineqartussatut naatsorsuutigisagut, alloriarnerit ilarivaat.

Attaveqarneq aammalu internetti akikinnerulersinnissaa alloriarfissat tulliit ilarilluinnarpaat.

Naggammullu aningaaasarsiornikkut ineriartortitsinermi avaqqunneqarsinnaanngilaq angallanneq, Inuit aammalu assartugassat nioqqtissat eqaannerusumik nuuttalernissaat.

Inatsisartut ukiaq manna illoqarfiit anginerit aningaaasarsiornikkut ineriartortinnissaat pilersaarusiornernerannut isummertussaapput. Tassa Nuummi, Ilulissani aammalu Qaqortumi mittarfiit nutaat sananeqassanersut.

Naak maanna 2015-imi pilersaarutaasimasut allanngorlugit, sakkutooqarfittut atorfeqalersinnaalerlugit aammalu nunatta nammineq pigisassariunnaarlugit pilersaarutit sangusimagaluartut, aningaaasarsiornikkut ineriartornissaat neriuutaavoq nunatta sineriaanit aningaasaleeqataaffigineqartussaq.

Partii Naleqqamit nunatta ataqtigiiissumik ineriartorsinnaanissaa pingaartikkatsigu, una siunnersuut taperseraluarlugu aamma kingusilaarneranik inisseqqanera taakkartorusupparput.

Inoqarfuit sorliit avataaniit aningaasalerlugin piginneqataaffigineqartalertarniarnersut pilersaarusiortoqarsimanersoq imaluunniit pilersaarusiortariaqarnersoq qulaajarneqarnissaa erseqqarissartariaqarnera taakkartorusupparput.

Nuuk Ilulissallu kisiisa nunanit allanik piginneqataaffigineqassappat? Kangerlussuaq?

Kommunit piginnaatitaanerussappat nunaminertat aamma tunisinnaalersinnaallugit?

Apeqqutit arlaqaqaat, Partii Naleqqamiillu taperserparput Naalakkersuisut Kommunit suleqatigalugit peqquneqarnissaat, inoqarfuit mikinerit siunissami aningaasarsiornikkut ineriartornissaanut pilersaarusiornissaat.

Oqaatsilli kusanartut timitalerneqarneq ajortut arlaqareersut ilikkagaqarfugalugit, aperisariaqarpugut: "Qanoq isumaqarpa aningaasarsiornikkut ineriartorneq?"

Isorlerliunerusuni inuuniarneq qanoq iluaqusissava aningaasarsiornikkut ineriartortoqarpat? Inuit ataasiakkuutaat iluaqutissarivaat imaluunniit qanoq takorloorneqarpa?

Inoqarfuit isorlerliunerusut ullumikkut pisassaminnik killilersugaapput, nunatta avataaniit isigineqarnera innarlerneqaqimmat.

Nunat allat qiviaraanni, soorlu Savalimmiuni niisarnanikpisaqartarnerat Greenpeace akerleralugu orniguttaraluuarsimasut, imminnut aallaavigalutik ingerlapput.

Nunap inui pingarnertut inissinnissaat pingarnerulerluittuinnarpoq. Kinaassutitsinnut tunngaviulluinnartoq annaaniarutsigu, suna taava takornariarpassuit neriorsuutigineqartut alakkarniaramikku?

Immaqami isorlerliunerusut mittarfissualernianngimmata isigineqarusunngillat.

Aningaasarsiornikkut ineriartortitsineq ilagilluinnarpaa uagutsinnut aallaavigineq. Tuluttut taasarpaat "core competency".

Oqaatsit timitalersorlugit imatut paasisariaavoq: Piginnaaneqarfik, uanga kisima sapinngisara, aallaavigalugu siunnerfeqarneq.

Ullumikkut kikkut iluaqutigaat takornariat tikittarneri? Aningaasaateqariinngikkuit iluatsitsisinnaavit sulifeqarfiliortutit?

Ullumikkut suna aporfiuva illoqarfuit mikinerit aningaasarsiornikkut ineriartortinnissaanut?

Immaqami takornaleriarnersuaq puigulaarlugu innuttaasut qitiusumiik suna atorfissaqartinneraat tusalaarutsigit. Immaqa uffa ilarpassuisa aningaasarsiornikkut ineriartotitsineq ujartornagu, ulluinnarni kaasarfiannit aningaasanik qalluineq unikaallatsikkusukkaat.

Immaqluunniimmi internet angallannerlu kipiluttunarsinnaallunilu akisoqisoq iluarsiiffiqeqarnissaa orniginartinnerugaat.

Nunatsinni sulisut amerlasuut akiliutimikkut qitiusumiit aningaasaliisarneq akiliutaaffigisarpaat. Mittarfissuuppat arlaatigulluunniit neriorsuuterpassuarnik tasaagaagata inatsisartunit.

Partii Naleqqamit taperserparput mittarfissualiorfiginiakkat illoqarfuit avatagiisaat aningaasarsiornikkut ineriartortinnissaanut siunnersuut.

Illassutitulli ilanngukkusulluguli innuttaasut aperineqarnissaat, qanoq qitiusumiit ikiorseneqarnissartik takorloorneraat.

Taamatut oqaasertalerlugu Partii Naleqqamit siunnersuut ataatsimiitaliamut susassaqartumut sukumiisumik suliarineqarnissaanut innersuupparput.